

سہلکی در سعادت ایچون مجیدہ
بکرمی غروش حسابیلہ التمش
غروشدر

طشرہ ایچون پوستہ اجرتی اولہرق
اون بش غروش ضم اولنور

نسخہ سی ۴۰ پارہدر

قانون مجازات

آبونہ اولق ایستیندر دائرہ عدلیہ
ادارہ مخصوصہ سنہ مراجعت
ایملیدر

اعلاناک بہرندن بر مجیدہ اخذ
ایدیور

نسخہ سی ۴۰ پارہدر

ہفتہدہ ایک دفعہ جمعہ ایرتسی وچہار شنبہ کونلری نشر اولنور . محتویاتی امور عدلیہ متعلقدر

تَبْلِیغات

تشکیل محاکم قانونک دردنجی مادہسندہ دوائر
صاحیہدن ناحیہ مجلسلرینک مواد جزائیہدہ صلاحیتی
جزا قانوننامہ هایوننک اوچنجی فصلندہ کوستریلان
قبایجندن آلتی بشلک مقداری استلزام ایدن جزای
نقدی بی قطعاً وعلی الاطلاق حبس جزاسنی مستلزم
بولنان قباحته قابل استیناف اولق اوزرہ حکم ایدہ۔
جکی وبومثللو احکام ابتدائیہنک قضا بدایت محکمہ۔
سندہ استینافاً رؤیت اولہبیلہجکی وبلدیہ قانونک
آلتش بشنجی مادہسندہ دخی تنبیہات بلدیہ مخالف
حرکتندہ بولنالر حقلرندہ جزا قانوننامہ هایوننک
باب نالشدہ محرر مواد احکامنہ توفیق معاملہ اولہجکی
محرر ایسہدہ بلدیہ دائرہ سی حبس جزاسنی قطعاً
یوقسہ قابل استیناف اولق اوزرہ می فصل رؤیت
ایدہجکنہ وبوکی احوالہ بلدیہ دائرہ سی ناحیہ مجلسی
صفیلہ تلقی اولنوب اولنمہ جغہ دائرہ صراحت قانونیہ
اولدیغندن و مجلس بلیدن ویریلان بر حبس قرارینک
محلی محکمہسندہ استینافاً تدقیقی استدعا اولندیگی یکی
بازار مدعی عمومی معاونلکندن بیلدر لیکندن بختلہ
استفسار معاملہ بی متضمن قوصوہ ولایتی استیناف
محکمہ سی مدعی عمومیلکندن وقوعبولان اشعارہ ،
تشکیل محاکم قانونک مادہ مذکورہ سی مفاد صریحندن
مستفاد اولدیغنے کورہ آلتی بشلک قدر جزای نقدی بی
مستلزم اولمغلہ صورت قطعیدہ وحبس جزاسنی
استلزام ایلدیگی تقدیردہ قضا بدایت محکمہسندہ قابل
استیناف اولق اوزرہ قباحته متعلق دعاوی بی رؤیتہ
آنحق نواحی مجالسی مأذون اولوب سالف الذکر
بلدیہ قانونک آلتش بشنجی مادہ سی موجبہ مجلس
بلدیہ مودوع اولان وظائف جزا قانوننامہ هایوننک
باب نالشدہ تقييد وتخصيص قلمش اولان امور تحفظیہ
وتنظیفیہ ایلہ مخالف تنبیہات حرکتدہ بولنان اصحاب
قبایحک مستحق اولدقلری مجازاتی تعینندن عبارت
اولہرق خصوصات مذکورہ مقصود اولوب نواحی
مجالسی ایسہ قیود وشروط مذکورہ دائرہسندہ

خصوصات مذکورہدن ماعدا بالجلہ قباحته متعلق
دعاوی بی فصل ورؤیتہ مأذون اولمغلہ مجالس بلدیہنک
نواحی مجلسلرینک مأذون اولدیگی وظائفلہ مکلف
اولدیگی و مجلس بلیدن ویریلان بر حکمک محکمہ
نظامیہدہ استیناف اولنمی بختہ کلنجہ قضا بدایت
محکمہسندہ استینافاً تدقیقہ حصراً ناحیہ مجلسی حکمی
ایچون تشکیل محاکم قانونک مادہ مذکورہسندہ جواز
کوستریلرک مجلس بلدیہ مقررانتک محاکم نظامیہدہ
استینافی مؤید بر دلیل قانونی اولیوب مجالس مذکورہ
مقررانتک مرجع استینافی منسوب اولدیگی اداره
مجلسی اولق لازم کلور ایسہدہ بر محکمہدہ اقامہ
اولنان دعوانک ذات ومصلحتجہ وظائفندن اولدیگی
تقدیردہ طرفیندن برکونہ اعتراض واقع اولمسیہیلہ
رؤیتندن صرف نظر اولنہجکی درکار وبونک تقدیری
ایسہ اول محکمہ عائد ایدوکی بدیدار بولندیگی انجمن
عدلیہ افادہسیلہ مذکور مدعی عمومیلکہ جواباً تبلیغ
ایدلمشدر۔

اعشار ملتزمینک خزینہ جلیلہ اولان
دینلرینک تأمین تسویہ سی ضمنتدہ اموال منقولہ
و غیر منقولہ لرینہ حجز وضعی ایچون خزینہ وکیللرینک
محکمہ عطا ایلدکلری حجز استدعا نامہ لرینہ التزام
سنداتی مربوط بولنق لازم کلور ایکن بعض ملتزمک
سنداتی ضایع اولدیگی کبی مقاولات محرر کلنجہ
تصدیقہ دائر قیدینہ دہ ظفریاب اولنہ مامقدہ
اولدیغندن و دین سنداتی مربوط اولیان استدعا نامہ لر
اوزرینہ معاملہ حجزیہ اجراسندہ تردد اولندیغندن
بختلہ استفسار معاملہ بی متضمن یانیہ ولایتی استیناف
محکمہ سی مدعی عمومیلکندن وقوعبولان اشعارہ ،
اصول محاکمہ حقوقیہ قانونک ایک یوز یتمش برنجی
مادہسندہ کوستریلرکی وجہلہ داینک یدندہ سند
اولدیگی صورتدہ صحیحاً مطلوبی بولندیغنے دائر اوراق
معتبرہ ویا دلائل قویہ ابرازیلہ محکمہ قناعت حاصل
ایتدیرمی لازمہدن اولوب صورت اشعارہ کورہ
اجراسی طلب ایدیلان حجز ایچون خزینہ وکیل دی

سندی ابراز ایدہمدیکی کبی سندک ضیاعنی تأیید
ایدہجک مقاولات محرر کلنک تصدیق قیدینی دخی
ارائہ ایدہ مامسنہ نظراً دینک وجودینہ محکمہجہ
قناعت حاصل ایدہجک مزاد قائمہ سی وسائر کونہ
اوراق ایلہ مطلوب خزینہنک سختی تأمین ایلہجک
دلائل ارائہ ایدیلہمدیکی تقدیردہ خزینہ مشارالیهانک
اقامہ دعوا دہ مختار اولق اوزرہ دلائل ثبوتیہ
اقتران ایتیان حجز طلبی شایان اسعاف اولہ مز ایسہدہ
حد ذاتندہ حجز ، تدابیر احتیاطیہ جملہسندن اولہرق
اجرا وعدم اجراسی ایسہ تقدیرہ مأذون اولان
محکمہ عائد بولندیگی جوابی انجمن عدلیہ افادہسیلہ
مذکور مدعی عمومیلکہ تبلیغ اولمشدر۔

اصول محاکمات جزائیہ قانونک یتمش بشنجی
مادہسندہ محرر درت یوزلک جزای نقدینک مبدئی
تعین قاننامش اولدیغندن بعض دفعہ بش غروشہ
قدر جزای نقدی اخذیلہ معاملہ اولنمقدہ اولوب
بواسیہ اختیار اولنان کلقلہ متاسب اولماملہ مادہ
قانونیہدہ محرر لیرانک چاریکنک حد اصغر اعتبار
اولنمی جائز اولوب اولدیگی حقندہ نیکدہ سنجانی
بدایت محکمہ سی مدعی عمومی معاونلکندن وقوع
بولان اشعارہ ، استشهاد ایچون مستنطق حضورینہ
کلوبدہ جواب اعطاسندن امتناع ایدنلرک جواب
ویرمکہ اجبار ضمنتدہ مذکور مادہ قانونیہدہ منتهاسی
کوستریلان درت یوزلک عثمانی آلتونی جزای نقدی
اولسنہ واکرچہ مبدئی بیان قاننامش ایسہدہ جزا
قانوننامہ هایونی جملہ احکامندن استنباط اولندیغنے
کورہ جزای نقدینک حد اصغری بش بشلکندن
عبارت بولمنسہ کورہ حد اتہانک دونندہ اولق اوزرہ
حکم اولنہجق جزای نقدینک تعین مقداری محکمہنک
تقدیرینہ وابستہ بولندیگی جوابی انجمن عدلیہ
افادہسیلہ ویرلمشدر۔

محاکمه امیر قزوینی

سند رسمی به قارشو شهود شخصیه قبول واستماع ایدلسی ومبلغ مدعایه ایچون دعوی عر ضحالنده کدشته طلب اولندیغی حالده تاریخ استدعادن اعتباراً فائض حساب وحکم اولنامسی نقض حکمی مستلزم بولندیغنه دائر محکمه تمیز حقوق دائره سندن اعطا قلتان ۱۸ اغستوس سنه ۳۱۷ تاریخی اعلامدر:

چخاله سنجاغنه تابع بوغاز قریه سنده مقیم یاقو ولد استاوری ایله قریه مذکورده ساکن بانچوان صوتیری پینده متکون دعوایه دائر لواء مذکور بدایت محکمه سندن ۱ مایس سنه ۳۱۶ تاریخی و آلتی عددی ایله ویریلان اعلام مرقوم یاقو طرفدن تمیز اولمغله اعلام مذکور طرفینک اعتراض وجواب لایحه لریله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مائی مرقوم یاقونک دفتر خاقانی اداره سندن تنظیم اولوب هنوز اخذ اولمهمیان برقطعه بیع بالوفا سندی موجبنجه اوچیوز اون اوچ سنه سی مایسینک اون ایکنجی کوندن اعتباراً بش یق ماه وعده ایله مرقوم صوتیری به اقراض ایتدیکی بیک غروشه مقابل بوغاز قریه سی حدودی داخل سنده واقع معلوم الحدود بر قطعه وقف سیزه باغچه سی وفاء نقرغ اتمش ایه ده حلول وعده ده مرقوم صوتیری تسویه دین ایلماسندن طولای مذکور باغچه نک فروختیله اتمان حاصله سندن استیفای مطلوب اولمسی حقنده مقدما اقامه ایتدیکی دعوانک اجرای محاکمه سی ضمننده تعیین قلتان کونده محکمه ده اثبات وجود ایده مدیکندن حق محاکمه سنک موقتاً سقوطنه قرار ویرلمش اولدیغندن مرقومک جلیله مبلغ مذکورک کندوسندن تحصیاتی طلب وادعا الیسنه قارشو مدعی علیه صوتیری دخی اساس دین یدی یوز غروشدن عبارت اولوب بوکا اوچیوز غروش ضم ایله بیک غروشه ابلاغ اولنه رق مذکور باغچه نی وفاء فراغ ایتدیکنی بعد الاقرار دین مذکوره محسوباً مدتی ظرفنده وایکی دفعه ده بش یوز الی غروش تسلیاتی اولوب قصور دخی اولان درت یوز الی غروشی دخی ختام وعده ده تماماً تسویه ایتدیکی حالده اعاده فراغ ایده چکنی مدعینک محضر شهوده اقرار اتمش اولدیغی تذکار ایله مدعایه باغچه نک اعاده فراغی مدافعه بسط وایمان ومدعی مرقوم دخی میبعک منافعی اولق اوزره مدعی علیک سنوی اعطاسی

بامقاوله نامه تعهد ایلدیکی ایکی یوز الی غروش مأخوذی اولوب بوندن بشقه تسلیات وقوعی انکار وبیع واقعی ناطق اولان سندک دخی طابو قلمنده موجود ایدوکنی تذکار ایش ایه ده اشبو مدعاسی اصولاً اثبات ایده مدیکندن تکلیف ایلدیکی یمش مدعی علیه طرفندن بالقبول اجراسندن وتسلیات حقنده استماع شهود اولوندقندن صکره اولباده جریان ایدن محاکمه وتدقیقات نتیجه سنده مدعی علیه مرقومک بر منوال محرر استقراض ایلدیکی بیک غروشه محسوباً ایکی دفعه ده بش یوز الی غروش تسلیاتی اولدیغی لدی التزکیه عدل ومقبول الشهاده اولدقاری تین ایدن شاهد لک شهادتیه ثابت اولسنه بناء محله نک اوچیوز اوتوز اتنجی ماده سی موجبنجه مدعی علیک بقیه دینی اولان درت یوز الی غروشک کندوسندن تحصیلله وفاء مفرغ اولان مذکور باغچه نک مدعی علیه مرقوم عهده سنه اعاده فراغه حکمدن ومستدعینک اشبو حکم علیهنده اولان لایحه سنده محرر باشلوجه اعتراضی بومثللو سند رسمی به قارشو درمیان ایدیلان ادعایک شهود شخصیه ایله اثباته مساع قانونی بوغیکن محکمه جه بودقیقه قانونیه به عطف نظر دقت اولنامسی ودعوی عر ضحالنده کدشته طلب اولمشیکن حکم محملده بوجهتک دخی مسکوت عنه براغلمسی مغایر قانون اولدیغندن بحال اعلامک تقضی استدعاسندن ومدعی علیک لایحه سنده مندرج نتیجه جوابی دخی اعتراض واقعک راهی اولدیغی بیانیله ردی وموافق قانون اولان اعلامک تصدیقی طابندن عبارت بولمشدر .

ایجابی لدی المذاکره اعلام مذکور مطالعه سندن مستبان اولدیغی اوزره اساس دین سند رسمی به مستد اولسنه وسند رسمی به قارشو شهود شخصیه استماعی ایسه قانوناً غیر جائز بولمسنه نظراً محکمه جه تسلیات حقنده شهود شخصیه استماع وقبول ایدلسی بولسر اولدیغی کی مبلغ مدعایه ایچون دعوی عر ضحالنده فائض طلب ایدلمش اولدیغندن بر موجب طلب تاریخ استدعادن اعتباراً فائض حساب وحکم ایدلسی ایجاب ایدرکن بونک دخی حکم ایدلامسی مخالف قانون بولمش ومستدعینک لایحه سنده بوجهتله دائر سرد اولتان اعتراض موافق نفس الامر کورتمش اولدیغندن اصول محاکمه حقوقیه قانوننک ایکی یوز اوتوز ایکنجی ماده سی موجبنجه اعلام مذکورک فضلیه کیفیتک قانون مزبورک ایکی یوز قرق دردنجی ماده سی حکمنه توفیقاً بالرؤیه اعلامه ربطی ضمننده محکمه مرقومه به اعاده سنه وزیرده مفرداتی مرقم اوچیوز اون سکر یق غروش مصارف تمیزیه نک ایلورده حقسز چقه حق طرفه رجوع ایتمک اوزره اول امرده مستدعی

مرقومدن استیفا سنه ۱۸ اغستوس سنه ۳۱۷ تاریخنده متفقاً قرار ویرلدی

بوردرور سنجاغنه تابع قوزله قریه سندن صاری حسین بن امینک ضرباً وفاته سببت ویرملرندن دولای جنایتله اتهام اولتان قریه مذکورک کورکه قونلرینه دائر لواء مذکور بدایت محکمه سی جزا دائره سندن ویریلان سکیان طقوز نومرولی اعلام محکمه تمیز جزا دائره سنجه تصدیق اولمشدر .

کوربلی قضاسنک باپولسته بالا قریه سندن نجیب بن ابراهیمک کیفیت قتلندن دولای جنایتله اتهام اولتان قریه مذکورک مختار بن امینک اون بش سنه مدته کورکه قونلرینه دائر سلائیک ولایتی استیفا محکمه سی جزا دائره سندن ویریلان سکر نومرولی اعلام محکمه تمیز جزا دائره سنجه تصدیق ایدلمشدر .

ارباب فساددن بولندقاری ادعا اولمسنندن دولای جنایتله اتهام اولتان بنار قریه سی اهالیسندن بیدو ولد بطی ونیقوغوص ولد آرتین ونغوص ولد بغدادسارک اوچر سنه مدتله کورکه قونلرینه دائر موش سنجاغی بدایت محکمه سی جزا دائره سندن اعطا قلتان سکیان طقوز نومرولی اعلام محکمه تمیز جزا دائره سنجه تصدیق ایدلمشدر .

آیدنجق ناحیه سی اهالیسندن فخری چاوش بن مصطفای قتل قصدیه جرح ایتلرندن دولای جنایتله اتهام اولتان یکجه محله سندن چاندق اوغلی احمد ومحمدک اوچر سنه مدته کورکه قونلرینه دائر قریه سی سنجاغی بدایت محکمه سی جزا دائره سندن ویریلان سکیان اوچ نومرولی اعلام محکمه تمیز جزا دائره سنجه تصدیق اولمشدر .

مصطفی بن علی قتل قصدیه جرح ایتسندن دولای جنایتله متهم اولان آوجیلر قریه سی اهالیسندن چوبان صالح بن حاجی فتاحک اوچ سنه مدته کورکه قونلرینه دائر آیدین سنجاغی بدایت محکمه سی جزا دائره سندن ویریلان یوز بش نومرولی اعلام محکمه تمیز جزا دائره سنجه تصدیق اولمشدر .

راضی بن کاظمک کیفیت قتلندن دولای جنایتله متهم اولان بازمانه ناحیه سی اهالیسندن عبود بن

جاسمک اون بش سنه مدته کورکه قونلرینه دائر بغداد ولایتی استیفا محکمه سی جزا دائره سندن ویریلان طقسان نومرولی اعلام محکمه تمیز جزا دائره سنجه تصدیق ایدلمشدر .

عربانی محمد الکعاج الحریبی قتل ایلدیکی ادعا قلمسندن دولای جنایتله متهم اولان قاصات قیله سندن رمضان بن صواجر یسینک اون بش سنه مدته کورکه قونلرینه دائر طرابلس غرب ولایتی استیفا محکمه سی جزا دائره سندن ویریلان یمش ایکی نومرولی اعلام محکمه تمیز جزا دائره سنجه تصدیق اولمشدر .

طوبران قضاسی پولیس قومیسری محمود ندیم افندی قتل قصدیه سلاح انداخت ایلدیکی ادعا قلمسندن دولای جنایتله اتهام اولتان رژی قوبلیسی احمد بن موشک اوچ سنه مدته کورکه قونلرینه دائر سلائیک ولایتی استیفا محکمه سی جزا دائره سندن ویریلان یمش نومرولی اعلام محکمه تمیز جزا دائره سنجه تصدیق اولمشدر .

بک اوغلنده صابحی میداننده دیمتریک میخانه سی اوکسنده اونیک ولد ماردریوسی قتل ودیکر اونیک ولد آتوئی جرح ایلدیکی ادعا قلمسندن دولای جنایتله اتهام اولتان رسنه میخانه سی غوطه ولد نعموک اون بش سنه مدته کورکه قونلرینه دائر درسعادت جنایت محکمه سندن اعطا قلتان یوز اوتوز ایکی نومرولی اعلام محکمه تمیز جزا دائره سنجه تصدیق اولمشدر .

ادرنده طاشاق جامع شرفنک ایلاً قوس کیلیدی قیردرق دروندن کلیم وسجاده سرت ایلدیکی ادعا قلمسندن دولای جنایتله اتهام اولتان مراغوز ابراهیم بن عارفک اوچ سنه مدته کورکه قونلرینه دائر ادرنه ولایتی استیفا محکمه سی جزا دائره سندن اعطا قلتان ایکی یوز اوتوز آلتی نومرولی اعلام محکمه تمیز جزا دائره سنجه تصدیق اولمشدر .

حاجی عثمان اوغلی فتاحک ضرباً وفاته سببت ویرمسندن طولای جنایتله اتهام اولتان محمد بن منلا دورمشک یدی یق سنه مدته کورکه قونلرینه دائر متشا سنجاغی بدایت محکمه سی جزا دائره سندن اعطا قلتان ایکی یوز طقسان بر نومرولی اعلام محکمه تمیز جزا دائره سنجه تصدیق قلمشدر .

کنعان اوغلی حاجی سلیامک کیفیت قتلندن دولای اتهام اولتان دارنده نک اشودی قریه سندن محمد بن مولودک اون بش سنه مدته کورکه قونلرینه دائر سیواس ولایتی استیفا محکمه سی جزا دائره سندن ویریلان یوز اون یدی نومرولی اعلام محکمه تمیز جزا دائره سنجه تصدیق اولمشدر .

غلطه ده میخانه سی مانولی ضرب وجرح ایتدیکی اصولاً ثابت اولان شرکت خیره نک قرق بش نومرولی واپوری طائفه سندن علقو ولد طودورینک اوچ ماه حبسنه

بک اوغلنده طوغری یوله دیکری یدی نومرولی مغازه ده موبلیه سی نشانک آراهی اوسب ولد اوخانسی ضرب ایتدیکی ثابت اولدیغندن کندیسندن بر آلتون آله رق مضروب به اعطاسه

دولکر اندریا ولد قسطنیک غلطه ده ساکنه صوفیه ایله پاولیناسی ضرب ایلدیکی تحقق ایتدیکندن اون کون حبسنه

بلبل دره سنده ازنیقک خانه سنه طاش آله رق جاملاری قیرمسندن دولای مظنون اولان کر قورک بش کون حبسنه

برادری عاطفی ضرب ایدن تجریه ملازم لردن سالم افندی بر آلتون آله رق مضروب به اعطاسه

قبا صقالده ستان اغا جامعشرینی مؤذی محمد افندیک اشپاسی سرت ایدن قوندره سی ادرنه لی شوکت بن قدرینک اوچ ماه حبسنه وختام مدنده کفالت آلتنه آلمسنه

شرکت تنبویه فناریک جامی شکست ایدن خرستودن اون بش بشلک جزای نقدی اخذیه

صالحه طومرو وقده قهوه چیلک ایدن دیمتری ولد اسپرونک آرداشی جرح ایتدیکی ثابت اولدیغندن ایکی ماه حبسیله کندیسندن بر آلتون آله رق مجروح آرداشه اعطاسه

تخته قلعه ده ساکنه سلطانه نک مرچانده توتونچیلک ایدن محمد صادق ضرب ایتدیکی ثابت اولدیغندن مزبوره دن بر آلتون آله رق مضروب به اعطاسه

مضاربه ایتدکلی اصولاً ثابت اولان فاتحده

طپوزک خاننده مقیم قهوه سی حاجی عمرک زوجیه سی سرعدلی فاطمه بنت عمر ودانی بنت حاجی یسینک

بر هفته حبسلیره محمود پاشاده حروسی البسه مغازه سنده چراقاق

ایدن انس طاش ولد نیقولینک چلینکر بغوص ولد

کر قوری جرح ایلدیکی ثابت اولدیغندن بر آلی

حبسنه وفاده پاپوشچی خاننده اوپه باشی بکراغی ضرب

ایدن پولیس مأموری محمد نائی افندیکنک اون بش کون حبسنه

کنغرلی حمزه ایله مایدارک عایشیه اطالاه لسان ایلدکلی ثابت اولدیغندن بکری درت ساعت حبسلیره محمد علی ددهی ضرب ایدن درویش احمدن بر آلتون آله رق مضروب به اعطاسه

زوجیه سی قدریه خانسی ضرب ایدن چنک کونیه ساکن قیوچی حسن نسیان افندیکنک آلتون آله رق مضروب به اعطاسه

آجی بادمه فائق بکک کوشکنده بکچیلک ایدن قسطنوبلی احمد بن مصطفایک مریم قادینی ضرب ایتدیکی ثابت اولدیغندن بر آلتون آله رق مضروب به اعطاسه

مطبعه سی موسیو کفالیدیسک فرانسرجه اوله رق طبع ایلدیکی اعلان زیرینه مطبعه نک اسمی لازم دینی و ترکیه ترجمه سی دخی علاوه ایتدیکی ثابت اولدیغندن مطبعه لر نظامنامه سنک اون ایکنجی ماده سی موجبنجه الی عدد ایرای عثمانی جزای نقدی اخذیه

پولیس مصطفی افندی قریه سی ضرب ایدن استاوری و مرقوم استاورینک زوجیه سی ضرب ایدن موی ایله مصطفی افندیکنک بر هفته حبسلیره

صراف بر قوی ضرب ایتسندن دولای مظنون اولان خویار خاننده مقیم صراف روقوس ولد اغوبک بر هفته حبسنه

عثمان بک غازیونسنده ایراث خساره جرأت ایتدکلی ثابت اولان قره مالی یوصیف ولد بدوس وقهوه سی طودوریدن اون بشر بشلک جزای نقدی آلمسنه

دقتسزک ونظاماته رعایتسز لکله الیاس بن حسینک مجروحیتنه سببت ویردیکی اصولاً ثابت اولان آراهی ابراهیم بن عثمانک بر آلی مدته حبسنه

حال یانی ضرب وجرح ایتدیکی اصولاً ثابت اولان بلبل دره سی محله بکچیلی حسن بن حسینک اون بش کون حبسنه

لغعه ده بوستانچی باشی عبده اغا محله سنده ساکن رسومات اداره سی مأمور لردن مصطفی افندی به اطالاه لسان ایدن اوخانسدن یارم آلتون جزای نقدی اخذیه

جنرلی طاشنده قهوه سی مصطفای ضرب وامواله ایراث خسار ایدن اوشاق نایمک بر هفته حبسیله برابر کندیسندن بر آلتون آله رق مضروب به اعطاسه

یمش اسکله سی صندالجیلرندن ریزله عثمانی ضرب ایدن پیری پاشا اسکله سی صندالجیلرندن الیاسدن بر آلتون آله رق مضروب به اعطاسه

اقریرایده اوزون اوپسه لرده ساکن تکفور
طاعلی قوندره جی اغوبک خانه سینه حق دخولی
اولدینی حالده کیردیکی بیان اولنان پارمی قیوده
چتال خاننده قوندره جی واحان ولد وارطانک یکرمی
دورت ساعت حبسنه

میخائیلی ضرب ایدن پیری پاشاده عطار نسیمک
خانه سنده اقامت ایدن یاقو ولد هایمدن بر آلتون
آلهرق مضروبه اعطاسنه
محمود افندی به شهر سلاح ایدن عباده و طاهرک
اون بشر کون حبسلرینه
کباچی عمرچاوشک اچقسنی سرقت ایدن آستانه لی
محمد شکرینک آلتی ماه حبسنه
مضاربه ایتملرندن دولای مظنون اولان روسچقلی
اسلام و اوغلی ابراهیمک بر هفته حبسلرینه در سعادت
بک اوغلی واسکدار بدایت محاکمی جزا دائره لرینجه
قرار ویرلمشدر .

مُجَازِلَاتُ اَنْتِبَاہِیَّہ

قره بیکار قضاسی بدایت محکمه سی اعضاسندن
ابراہیم و محکمه مذکورہ برنجی کاتبی سعدالدین
افدیلرک اخذ شوتله وظیفه مأموریتلرینی سوء استعمال
ایلدکلری قونیه ولایتی استیناف مدعی عمومیلکندن
وارد اولان اوراق مندرجاتندن اکلاشیله رق کاتب
مومی الیه حقندہ توحیداً تعقیبات قانونیه اجرا ایلمک
اوزده اعضای مومی الیهک محاکمه آلتہ آلمسنہ مأذونیت
اعطا و مذکور مدعی عمومیلکه تبلیغات اجرا
ایلمشدر .

اِخْلَافَات

نجات بحریہ محکمه سنده :

بک اوغلنده صوفیہ لی زقاغندہ یکرمی ایکی
نومرولی مغازده مقيم بقال نیقودیموس پاپادوپلوسک
تحقیق دیون معاملاتنه ابتدار اولنه جغندن مرقوم
ذمتندہ آلاجنی اولانلرک اوراق مثبتہ لرینی حامل
اولدقلری حالده ۳۱۷ سنہ سی شباطنک یدنجی پنجشنبه
وطقوزنجی جمعه ایرتسی و اون برنجی بازار ایرتسی
کونلری ساعت آلتیدن طقوزده قدر تجارت بحریہ
محکمه سنک مصالح افلاسیہ اوپسه سنہ بالذات و یا بالوکاله
مراجعت ایدرک آله جقلرینی تحقیق دیون دفترینہ
قید ایتدیرملری لازم کله جکی وایام مذکورہ طرفندہ
مراجعت ایتملر حقدہ تجارت قانوننک ۲۱۰ نجی

ماده سی احکامنک موقع اجرایہ قونیلہ جنی اعلان
اولنور .

ایکنجی محکمه نجاتندہ :

چارسوی کیرده آینه جیلرده تجارتلہ مشغول ایکن
ایکنجی محکمه تجارتدن افلاسنہ حکم اولنش اولان
چوقه جی مؤئیر انجل ذمتندہ آله جقنی اثبات و یا موقتاً
قبول وقید ایتدیرمش اولان آله جقلولرک قانوننامہ
تجارتک ۲۱۱ و آتی ولی ایدن ماده سی موجبہ مفلس
طرفندن تکلیف اولنه جق قوتقوردا تونک مذاکرہ سی
ایچون ۳۱۷ سنہ سی کانون ثانیسنک یکرمی ایکنجی صالی
کونی محکمه مذکورہ نک افلاس اوپسه سنہ کللری
اعلان اولنور .

محمود پاشاده تجارتلہ مشغول ایکن ایکنجی محکمه
تجارتدن افلاسنہ حکم اولنش اولان بروسلی حاویلی
بارمناک صیواجیانک خصوصات افلاسیہ سنک رؤیت
وتسویہ سی ضمتندہ دعوی وکیللرندن آرتین قیصریان
افندی اصالة سندیک تعیین قلمنش اولدیغندن مفلس
مرقوم ذمتندہ آله جقنی اولانلرک قانوننامہ تجارتک ۱۹۹
و ۲۰۰ نجی ماده لری موجبہ تحقیق دیون ایچون
تاریخ اعلاندن اعتباراً یکرمی بر کون طرفندہ سنداتی
محکمه کاتبنه تسلیم ایللری ومدت مذکورہ ختامندن
صکره اوچ کونده یعنی ۳۱۷ سنہ سی شباطنک دردنجی
بازار ایرتسی . بشنجی صالی . آلتنجی چهارشنبه کونلرندہ
ایکنجی محکمه تجارتک افلاس اوپسه سنہ کله رک سندیک
افدیلر مواجهہ سنده آله جقلرینی اثبات وقید وتصدیق
ایتدیرملری ومدت مذکورہ ده اثبات وجود ایدہ میان
آله جقلولر حقدہ قانون مذکورک ۲۱۰ نجی ماده سنہ
توفیقاً معاملہ اولنه جق اعلان اولنور . ژورقومیسر

قاسم پاشاده چیوخیلر ایچندہ برنومرولی فروندہ
اجرای تجارت ایدرایکن ایکنجی محکمه تجارتدن افلاسنہ
حکم اولنش اولان اتمکچی نیقوله میلانک خصوصات
افلاسیہ سنک رؤیت وتسویہ سی ضمتندہ دعوی
وکیللرندن محمد بہرام افندی اصالة سندیک تعیین
قلمنش اولدیغندن مفلس مرقوم ذمتندہ آلاجنی
اولانلرک قانوننامہ تجارتک ۱۹۹ و ۲۰۰ نجی ماده لری
موجبہ تحقیق دیون ایچون تاریخ اعلاندن اعتباراً
یکرمی بر کون طرفندہ سنداتی محکمه کاتبنه تسلیم
ایللری ومدت مذکورہ ختامندن صکره اوچ کونده
یعنی اشبو بیک اوچوز اون یدی سنہ سی شباطنک بشنجی
صالی و آلتنجی چهارشنبه و یدنجی پنجشنبه کونلرندہ ایکنجی
محکمه تجارتک افلاس اوپسه سنہ کله رک سندیک افندی
مواجهہ سنده آلاجلرینی اثبات وقید وتصدیق ایتدیر-

ملری ومدت مذکورہ ده اثبات وجود ایدہ میان
آلاجلولر حقدہ قانون مذکورک ۲۱۰ نجی ماده سنہ
توفیقاً معاملہ اولنه جق اعلان اولنور . ژورقومیسر

اعلامات نظامیہ اصرار دأرہ سنده :

سایمان اغانک خدیجہ خانم ذمتندہ محکومہ آلاجنی
اولان مبالغدن دولای فروختی قرارلشدیریلان
اقریرایده چاقر اغا محله سنده واقع تخمیناً یوز اون
ایکی آرشون عرصہ اوزرینہ منی اوچ اوپه و برقیو و بر
حولی و بر مطبخ و مقدار کافی باغچه و مشتملات سائرہ
حاوی بر باب خانہ نک دورت حصہ اعتباریلہ بر حصہ سی
اجرا قلنان مزایده نتیجہ سنده لیرای عثمانی یوز
غروش حسابیلہ سکز یوز غروشدہ داین عہدہ سنده
تقرر ایش اولمغله بوندن زیادہ یعنی یوزدہ بش
ضمیلہ طالب اولانلرک پی اچقلریلہ معاً اوتوز برکون
ظرفندہ در سعادت اعلامات نظامیہ اجرا دائرہ سنہ
مراجعت ایللری اعلان اولنور .

اسکدار بدایت محکمه سی اصرار دأرہ سنده :

حبیہ نیرہ خانمک مصطفی بک ذمتندہ با اعلام
آلاجنی بولنان مبالغک تأمین استیفاسی ضمتندہ
فروختی محکمه قراری اقتضاسندن بولنان ارن قریہ
سندہ قوز یتاغی نام محلده قایش طاعی طرفندہ بولنان
یل دکرمانی جوارندہ ایراقلینک باغنک اوست طرفندہ
یالکز سروی جادہ سنده کائن بر طرفی عندلیب
خانم و بر طرفی دلی محمد و دیگر طرفی یورغانچی اسماعیل
افندی ترالاری و بر طرفی مذکور بول ایله محدود یوز
یکرمی آرشون اوزرینہ بنا اولنوب برنجی قاتده اوچ
اوپه و بر مطبخ و بر صفہ و بر آبدستخانہ و اوست قاتده
دورت اوپه و بر آبدستخانہ و بر صفہ و بر غسالخانہ
وطقوز دونم باغ و اوکنده باغ ایله قاریشق بردونم
باغچی و اشجار مشمرہ و غیر مشمرہ بی حاوی کوشک ایله
مشتملات سائرہ سنک نصفی یوز یکرمی سهم اعتباریلہ
مدیونک متصرف اولدینی الی سهم حصہ شایعہ عند
المزایده لیرا یوز غروش حسابیلہ ایکی بیک غروشدہ
طالبی عہدہ سنده تقرر ایدرک تاریخ اعلاندن اعتباراً
برماہ ختامندہ اجرا قانوننامہ هایونی احکامنہ توفیقاً
قرار قطعیمی ویریلہ جکی جهتہ یوزدہ بش ضمیله زیادہ
طالب اولانلرک مدت مذکورہ ظرفندہ اسکدار بدایت
محکمه سی اجرا دائرہ سنہ مراجعت ایللری اعلان
اولنور .